



Қ А Р О Р И

2020 йил 19 август

№ 67/10

Тумани тиббиёт бирлашмаси бошлиғи Л.Махмоновнинг карантин тартиблари босқичма-босқич юмшатиб борилиши муносабати билан фуқаролар санитария талабларига қатъий риоя этишлари зарурлиги, аҳолига бирламчи тиббий-санитария ёрдамнинг ўз вақтида ва сифатли кўрсатилиши юзасидан туман аҳолисига мурожаати тўғрисида

Жорий йилнинг 12 август куни Ўзбекистон Республикаси Президенти Ш.М.Мирзиёев раисликларида ўтказилган видеоселектор йиғилишида Республикамизда карантин талабларини босқичма-босқич юмшатиш чораларини кўриш тўғрисида бир қатор вазифалар белгилаб берилди.

Булунғур туманида карантин тартиблари босқичма-босқич юмшатиб борилиши муносабати билан фуқаролар санитария талабларига қатъий риоя этишлари зарурлиги, карантин қоидаларига риоя қилган ҳолда яшаш ва меҳнат қилиш, соғлом турмуш тарзига амал қилиш ҳамда тўғри овқатланиш, аҳолига бирламчи тиббий санитария ёрдамнинг ўз вақтида ва сифатли кўрсатилишини ташкил этиш борасида бир қатор ишлар олиб борилмоқда.

Туманимизда эпидемиологик вазият барқарорлигини таъминлаш ва назорат қилиш мақсадида вилоят ҳокимлиги, Давлат ҳавфсизлик хизмати вилоят бошқармаси, вилоят прокуратураси, вилоят ички ишлар бошқармаси, Миллий гвардия вилоят бошқармаси, вилоят соғлиқни сақлаш бошқармаси ва санитария эпидемиологик-осойишталик маркази эпидемиологларида иборат вилоят штаби туну-кун фаолият олиб бормоқда.

Инфекция кенг тарқалишини олдини олиш ва карантин даврида аҳолига қулайлик яратиш, шунингдек, COVID-19 пандемияси даврида тадбиркорлик субъектлари фаолиятига босқичма-босқич рухсат бериш, барча мулкчилик шаклидан қатъий назар объектларда санитария қоидалари, нормалари ва гигиена нормативларига риоя этилишини таъминлаш мақсадида 2020 йил 15 август 2020 йилдан бошлаб Булунғур туманида карантин тартибларини юмшатиш юзасидан вилоят комиссиясининг тегишли қарори қабул қилинди.

Булунғур туманида ҳозирги кун ҳолатига кўра коронавирус инфекцияси билан касалланганлар жами сони 209 нафарни ташкил этмоқда. Уларнинг 175 нафари (83.7фоиз) касалликдан буткул соғайди, қолган 39 нафари шифохона ва уйларида керакли муолажаларни олиб даволанмоқда.

Беморларга тиббий хизмат кўрсатиш учун ихтисослашган 1 та даволаш-профилактика муассасаларига қиймати 84 млн. сўмга тенг бўлган 3 турдаги 16 донa замонавий тиббий асбоб-ускуналар ажратилди.

Туманда карантин тартиб қоидаларини босқичма-босқич юмшатиб борилиши муносабати билан касалланиш ҳолатлари кескин кўпайиб кетишини олдини олиш ҳамда беморларга малакали тиббий хизматни тизимли ташкил этиш мақсадида, Ўзбекистон Республикаси Олий Мажлиси Сенатининг 2020 йил 13 августдаги 01-22/1274-сонли ва вилоят ҳокимининг 2020 йил 13 августдаги 17/01-05-сонли хатини инобатга олиб, “Маҳаллий давлат ҳокимияти тўғрисида”ги Ўзбекистон Республикаси Қонунининг 24-моддасига асосан, халқ депутатлари вилоят Кенгашининг 10-сессияси

Қ А Р О Р Қ И Л А Д И:

1. Ўзбекистон Республикаси Олий Мажлиси Сенатининг 2020 йил 13 августдаги 01-22/1274-сонли ва вилоят ҳокимининг 2020 йил 13 августдаги 17/01-05-сонли хати ҳамда Тумани тиббиёт бирлашмаси бошлиғи Л.Махмоновнинг карантин тартиблари босқичма-босқич юмшатиб борилиши муносабати билан фуқаролар санитария талабларига қатъий риоя этишлари зарурлиги, аҳолига бирламчи тиббий-санитария ёрдамининг ўз вақтида ва сифатли кўрсатилиши юзасидан туман аҳолисига мурожаатимаълумот ва амалда ижро учун қабул қилинсин.

2. Туман ҳокимининг ўринбосари-Маҳалла ва оилани қўллаб-қувватлаш бўлими (А.Хазраткулов), Республика Маънавият ва маърифат маркази туман бўлими (Б.Жуманазаров), Ўзбекистон Ёшлар иттифоқи туман Кенгаши (К.Ғаппаров), тумани тиббиёт бирлашмаси (Л.Махманов), туман Санитария эпидемиологик осойишталик маркази (А.Умматов) ҳамда халқ депутатлари туман Кенгаши депутатлари билан биргаликда:

карантин чекловлари босқичма-босқич юмшатиб борилиши муносабати билан фуқароларнинг санитария талабларига қатъий риоя этишлари зарурлиги, карантин қоидаларига риоя қилган ҳолда яшаш ва меҳнат қилиш, соғлом турмуш тарзига амал қилиш ҳамда тўғри овқатланиш, аҳолига бирламчи тиббий санитария ёрдамининг ўз вақтида ва сифатли кўрсатилишини ташкил этиш борасида аҳоли ўртасида тарғибот ва тушунтириш ишларини кучайтирсин.

3. Туман ҳокимлиги Молия бўлими (Ж.Нарзиев) секторлар раҳбарлари билан биргаликда:

хар бир ҳудудда коронавирус инфекциясига қарши дори дармонлар, шахсий ҳимоя воситалари, дезинфекцияловчи воситалар захирасини яратиш;

коронавирус касаллиги билан оғриган ва касалликка гумон қилинган шахсларни даволаш ва саралаш учун туманда 100 ўринга мўлжалланган заҳира ўринларни яратиш;

аҳоли талабларидан келиб чиқиб туманда коронавирус инфекциясини текширишга мўлжалланган ПЗР (полимер занжирли реакция) лабораторияларини ташкил этиш ва зарур тиббий жиҳозлар билан таъминлаш;

туман тиббиёт бирлашмалари ва санитария эпидемиологик осойишталик марказларининг ҳисоб китоблари асосида короновирус инфекцияси ташҳиси учун зарур бўлган диагностикалар, реактивлар, тест системалар ва даволашда ишлатиладиган дори-дармонлар харид қилиш учун маблағлар ажратиш чораларини кўрсинлар.

4. Тумани тиббиёт бирлашмаси (Л.Махманов) ҳамда туман Санитария эпидемиологик осойишталик маркази (А.Умматов)га:

бирлашчи тиббиёт муассасалари (кўп тармоқли марказий, оилавий поликлиникалар, ҚОП ҳамда ҚВП) томонидан хонадонма-хонадон юриб, короновирус инфекцияси билан оғриганларни эрта аниқлашни таъминлаш мақсадида, патронаж ҳамширалар фаолияти самарадорлигини ошириш;

оилавий поликлиникалар томонидан тана ҳарорати юқори бўлган беморларга уйда тиббий ёрдам кўрсатишни ташкил этиш;

мулкчилик шаклидан қатъий назар барча ташкилот, муассаса ва қорхоналарда ҳар куни 2 маротабадан дезинфекция тадбирларини ўтказишни ташкил этиш вазифаси топширилсин.

5. «Булунғур ҳаёти» газетаси (Ғ.Ўролов) ҳамда қорхона, ташкилот ва муассасалар раҳбарлари билан биргаликда:

короновирус инфекцияси ва бошқа ўта ҳавфли юқумли касалликлар бўйича аҳолининг тушунчасини ошириш ва касалликни олдини олиш мавзуларида мунтазам равишда, ОАВда ёритиб боришни ташкил этиш;

барча муассаса, ташкилотлар, тадбиркорлик субъектлари, шунингдек савдо комплекси ва бозорларда ҳар куни иш бошланишидан олдин ва иш вақти тугаганидан сўнг дезинфекция тадбирларини амалга оширилиши ва ходимларни тана ҳароратини ўлчаб бориш, тиббий ниқоб ва қўлқопда бўлиш, ижтимоий масофани сақлаш шартлигини белгилаб қўйиш;

жойларда профилактика чораларига, шахсий ва жамоат гигиенаси қоидаларига мунтазам риоя қилиш, дезинфекция ва антисептиклар билан зарарсизлантириш тадбирларини ўтказиб бориш;

ўзаро мулоқотни чеклаш, қўлни совунлаб тез-тез ювиш, ижтимоий масофани сақлаш, тана ҳароратини ўлчаб бориш, соғлом тўғри овқатланиш қоидаларига амал қилиш;

ёши 65 дан ошган ходимлар, шунингдек сурункали касалликлари бўлганлар, иммунитетни пасайганлар ҳамда ҳомиладор аёлларни, карантин қоидаларига амалга қилган ҳолда ўз-ўзини изоляция қилиш режимига ёки масофавий ишлаш тартибига ўтказиш;

бирон бир ходимда қуруқ йўтал, иситма, ҳолсизлик ва шунга ўхшаш клиник белгилари аниқланса, дарҳол “103” рақамига қўнғироқ қилиш;

ходим (ишчи) иш жойида ўзини яхши ҳис қилмаса, COVID-19 типик аломатлари аниқланса, уни одамлар қирмайдиган алоҳида жойга олиш ёки эшикни ёпиш билан хона изоляция қилиниши мумкин бўлган жойга алоҳида яккалаш;

тиббий ниқоб ва тиббий қўлқопдан мунтазаам фойдаланиш, тиббий ниқобни ҳар 3 соатда алмаштириб бориш, очик ҳавода сайр қилиш, 3 кишидан ортиқ тўпланиш ҳолатларига йўл қўймаслик ва ўз вақтида тиббий муассасаларга мурожаат қилишни кенг тарғиб қилишни тушунтириш вазифалари топширилсин.

6. Халқ депутатлари туман Кенгашлари депутатларига:

ўзи сайланган сайлов округи ҳудудидаги маҳалла фуқаролар йиғинида штаб ташкил этиб, сайловчилар билан учрашув графигини ишлаб чиқиш;

кўчама-кўча ва танлов асосида хонадонларни кириб кўриб, тарқатма материалларни тарқатиб ўқиб бериш, карантин қоидаларига ва соғлом турмуш тарзига риоя қилиш борасида тушунтириш ва тарғибот ишларини ўтказиш;

маҳалла фуқаролар йиғинларининг бу борадаги фаолиятини янада жонлантириш ва масъулиятини ошириш;

ижтимоий тармоқларда ва матбуот орқали чиқишлар қилиш тавсия этилсин.

7. Булунғур тумани дехкон бозори (С.Ибрагимов), туман буюм бозор (У.Қодиров) ҳамда туман Давлат солиқ инспекцияси (Ш.Эшмуротов)лар биргаликда барча турдаги бозорларда ва озиқ-овқат дўконлари карантин қоидаларига риоя этилиши учун шахсан жавобгар эканлиги белгилаб қўйилсин, бунда коронавирус инфекцияси бирон-бир бозорда аниқланган тақдирда бозор маъмуриятига қонунчиликда белгиланган тартибда жарима солиниши билан бирга бозор фаолияти тўхтатиб қўйилади.

8. Туман ички ишлар бўлими (Б.Жўрақулов), Миллий гвардия (М.Маматов), туман Давлат солиқ инспекцияси (Ш.Эшмуротов) ҳамда туман Санитария-эпидемиологик осойишталик хизмати (А.Умматов) билан биргаликда карантин талабларига риоя қилиш борасида гуруҳлар тузиб, савдо ва хизмат кўрсатиш шахобчаларида назорат-мониторинг ва рейд тадбирларини ўтказиб борсин.

9. Туман Мактабгача таълим бўлими (У.Губаева) Туман ҳокимлиги Молия бўлими (Ж.Нарзиев) мактабгача таълим ташкилотлари фаолиятини йўлга қўйиш чораларини кўрсин.

10. Мазкур қарорнинг бажарилишини назорат қилиш халқ депутатлари туман Кенгашининг ижтимоий-маданий соҳани ривожлантириш, оила, хотин-қизлар ва ёшлар масалалари бўйича доимий комиссияси (З.Алиқулова) ҳамда туман ҳокимининг ўринбосари (Б.Ильчиев)лар зиммасига юклансин.

Туман Кенгаши раиси

 **Б.Бахрамов**